

Inatsisartut aalajangiiffigisassaattut siunnersuut, Naalakkersuisut peqquneqassasut naalagaaffiup avataani Kalaallit Nunaata sinniisoqarfiiut aningaasartuutit nalileroqqullugit. Nalilersuineq Inatsisartunut UPA2024 ingerlanerani agguaanneqassaaq

(Inatsisartunut ilaasortaq Jens-Frederik Nielsen, Demokraatit)

Akissuteqaat

(Naalagaaffinngornissamut Nunanullu Allanut Naalakkersuisoq)

Aappassaaneerneqarnera

Nunanut Allanut Sillimaniarnermullu Ataatsimiitsitaliapi sulisimaneranut Naalakkersuisut sinnerlugit qujavunga, oqaatigissavaralu maluginiarakku partit akornanni aalajangiiffigisassatut siunnersuummik ataatsimut isigalugu tunuliaqtsiineq maluginiarakku.

Misissuinissamik isuma annertusillugu Naalakkersuisut allannguutissatut siunnersuuteqarnikuupput, misissuineq aningaasaqarnikkut misissuinermik aammali kulturikkut naalakkersuinikkullu sulinermi sunniutaasartut pilligit misissuineq suliarineqartussanngortissallugu.

Ataatsimiitsitaliaq ataatsimoortoq allannguutissatut siunnersuuteqartoq Naalakkersuisut maluginiarpaat, allannguutissatut siunnersuut Nunatta Sinniisoqarfia Københavnimiittup ilanngullugu misissorneqarnissaanik imaqartoq. Ataatsimiitsitaliapi allannguutissatut siunnersuutaa Naalakkersuisut ilalerpaat.

Taama oqaaseqarlunga ataatsimiitsitaliapi allannguutissatut siunnersuutaata akuersissutigineqarnissaa inassutigaara.